

摘藻堂四庫全書薈要

集部

欽定四庫全書薈要卷一萬七千七百二

集部

御定全唐詩卷二百九十七

王建

王建字仲初潁川人大歷十年進士初為渭南尉歷秘書丞侍御史太和中出為陝州司馬從軍塞上後歸咸陽卜居原上建工樂府與張籍齊名宮詞百首尤傳誦人口詩集十卷今編為六卷

送人

白日向西

一作天

沒黃河復東流人生足著地寧免四方

遊我行無返顧祝

一作况

子勿回頭當須向前去何用起

離憂但恐無廣路平地作山丘令我車與馬欲疾反停
留蜀客多積貨邊人易封侯男兒戀家鄉歡樂為仇讐
丁寧相勸勉苦口幸無尤對面無相成不如豺虎儔彼
遠不寄書此寒莫寄裘與君俱絕蹟兩念無因由

主人故亭

主人昔專城城南起高亭貴與賓客遊工

一作上

者夜不

寧酒食宴圃人栽接望早成經年使家僮遠道求異英
郡中暫閒暇遶樹引諸生開泉浴山禽為愛山中聲世
間事難保一日各徂征死生不相及花落實方榮我來
至此中守吏非本名重君昔為主相與下馬行舊島日
日摧池水不復清豈無後人賞所貴手自營澆酒向所
思風起如有靈此去不重來重來傷我形

古從軍

漢家

一作軍

逐單于日沒處

一作交

河曲浮雲道旁起行子

車下宿槍城圍鼓角氈帳依山谷馬上懸壺漿刀頭分

頰一作頓肉來時高堂上父母親結束回面一作首不見家

一作客風吹破衣服金瘡在一作生肢節相與拔一作取箭鏃

聞道西涼州家家婦女一作人哭

邯鄲主人

遠客無主人夜投邯鄲市飛蛾繞殘燭半夜人醉起壚

邊酒家女遺我絳綺被合成雙鳳花宛轉不相離縱令

顏色改一作故勿遣合歡異一念始為難萬金誰足貴門

前長安道去者如流水晨風羣鳥翔
裴回別離此

泛水曲

載酒入煙浦
方舟泛綠波
子酌我復飲
子飲我還歌
蓮

深微路通

一作通路

峰曲幽氣

一作風

多閱芳無留瞬
弄桂不

停柯水上秋日

一作月

鮮西山碧峩峩
茲歡良可貴
誰復

更來過

江南雜體二首

江上風條條
竹間湘水流
日夜桂花落
行人去悠悠
復

見離別處蟲聲陰雨秋

處處江草

一作山

綠行人發瀟湘瀟湘回雁多日夜思故

鄉春夢不知數空山蘭蕙

一作桂

芳

遠征歸

萬里發遼陽處處問家鄉回車不淹轍雨雪滿衣裳行
見日月疾坐思道路長但令不征戍暗鏡生重光

思遠人

妾思常懸懸君行復綿綿征途向何處碧海與青天歲

久一作
人自有念誰令長在邊少年若不歸蘭室如黃泉

傷近者不見

離人隔中庭幸不為遠征雕梁下有壁聞語亦聞行天
涯尚寄信此處不傳情君能並照水形影自分明

元日早朝

大國禮樂備萬邦朝元正東方色未動冠劔門已盈帝
居在蓬萊肅肅鐘漏清將軍領羽林持戟巡宮城翠華
皆宿陳雪仗羅天兵庭燎遠煌煌旗上日月明聖人龍

火衣寢殿開璇扃龍樓橫紫煙宮女天中行六蕃倍一作

陪位次衣服各異形舉頭看玉牌不識宮殿名左右雉

一作翟又作翼扇開蹈舞分滿庭朝服帶金玉珊珊相觸聲泰

階備雅樂九奏鸞鳳鳴裴回慶雲中竽一作笙磬寒錚錚

三公再獻壽上帝錫永貞天明告四方羣后保太平

聞故人自征戍回

昔聞著征戍三年一還鄉今來不換兵須死在戰場念

子無氣力徒學事戎行少年得生還一作隨有同墮穹蒼

自去報爾家再行上高堂爾弟修廢榷爾母縫新裳恍
恍恐不真猶未苦

一作來若

承望每日空出城畏渴攜壺漿

安得縮地經忽使在我傍亦知遠行勞人悴馬玄黃慎

莫多停留苦我

一作哉

居者腸

七泉寺上方

長年好名山本性今得從回看塵蹟遙稍見麋鹿蹤老

僧雲中居石門青重重陰泉養成龜古壁飛却

一作虬

龍

掃石禮新經懸幡上高峰日夕猿鳥合覓食聽山鐘將

火尋遠泉煮茶傍寒松晚隨收藥人便宿南澗中晨起
衝露行濕花枝茸茸歸依向禪師願作香火翁

從元太守夏讌西樓

六月晨亦熱早居多煩昏五馬遊西城几杖隨朱輪西
樓臨方塘嘉木當華軒鳧鷖滿中流有酒復盈尊山東
地無山平視大海垠高風涼氣來灝景沈清源青衿儼
坐傍禮容益敦敦

一作
存存

願為顏氏徒歌詠夫子門

酬栢侍御聞與韋處士同遊靈臺寺見寄

西域傳中說靈臺屬雍州有泉皆聖蹟有石皆佛頭所

出蒼荀香外國俗

一作欲

來求毒蛇護其下樵者不可偷

古碑在雲巔備載置寺由魏家移下來後人始增脩近

與韋處士愛此山之幽各自具所須竹籠盛茶甌牽馬

過危棧襍衣涉奔流草開平路盡林下大石稠過郭一作

廡迴轉經峰忽見東西樓瀑布當寺門迸落衣裳秋石苔

鋪紫花溪葉裁碧油

一作流

松根戴

一作戴

殿高飄颻仙山

浮縣中賢大夫一月前此遊賽神賀得雨豈暇多停留

二十韻新詩遠寄尋山儔
清冷玉澗泣冷切石磬
愁君名高難閒余身愚
終休相將長無因從今
生離憂

荆南贈別李肇著作轉韻詩

輝天復耀

一作輝

地再為歌詠始素傳學道徒

一作素業傳學徒

清門有君子文澗瀉潺潺德峰來壘壘兩京二十

一作十二

年投食公卿

一作卿相

間封章既不下故舊多慙顏賣馬市

耕牛却歸湘浦山麥收

一作秋

蠶上簇衣食應豐足碧澗

伴僧禪秋山對雨宿且歡身體適

一作遙

幸免纓組束上

宰鎮荊州敬重同歲遊歡逢通世友簡授畫

一作畫

戎籌

遲遲就公食愴愴別野裘主人開宴席禮數無形迹醉

笑或顛吟發談皆損益臨覓理芳鮮升堂引賓客早歲

慕嘉名遠思今始平孔門忝同轍潘館

一作室

幸諸甥自

知再婚娶豈望為親情欣欣還切切又二千里別楚筆

防寄書蜀茶憂遠熱關山足

一作正

重疊會合何時節莫

歎

一作勸

各從軍且愁歧路分美人停玉指離瑟不中聞

爭向巴山夜猿聲滿碧雲

早發金堤驛

蟲聲四野合月色滿城白
家家閉戶眠行人發孤驛
離家尚苦熱衣服唯輕綌
時節忽復遷秋風徹經脈
人睡落輦轍馬驚入蘆荻
慰遠時間程驚昏忽搖策
從軍豈云樂憂患常縈積
唯願在一作貧家團圓過朝

夕

和裴相公道中贈別張相公

雲間雙鳳鳴一去一歸城
鞍馬朝天色一作邑封章戀闕

情日臨宮一作官樹高煙蓋沙草平會當戎事息聯影遶

池一作江行

和錢舍人水植詩

盆裏盛野泉晚鮮幽更一作池好初活草根浮重生荷葉

小多時水馬一作鳥出盡日蜻蜓遶朝早獨來看冷星沈

碧名曉

題壽安南館

明蒙一作發竹間亭天暖幽桂碧雲生四面山水接當階

石濕樹堤

一作堤

浴鳥痕破苔臥鹿蹟不緣塵駕觸堪

一作復

作商皓宅

送張籍歸江東

清泉澣塵緇靈藥釋昏狂君詩發大雅正氣回我腸復
令五彩姿潔白歸天常昔歲同講道青襟在師傍出處
兩相因如彼衣與裳行行成此歸

一作行成歸此
去一作歸計

離我

適咸陽失意未還家馬蹄盡四方訪余詠新文不倦道
路長僮僕懷昔念亦如還故鄉相親惜晝夜寢息不異

牀猶將在遠道忽忽起思量黃金未為罌無以挹酒漿
所念俱貧賤安得相發揚回車遠歸省舊宅江南廂歸
鄉非得意一本缺此五字但貴情義彰五月天氣熱波濤毒於
湯慎勿多飲酒藥膳願自強

勵學

買地不肥實其繁繫耕鑿良田少鋤理蘭焦香亦薄勿
以聽者迷故使宮徵錯誰言三歲童還能分善惡孜孜
日求益猶恐業未博况我性頑蒙復不勤脩學有如朝

暮食暫虧憂隕獲若使無六經賢愚何所托

山中寄及第故人

長長南山松短短北礪楊俱承日月照幸免斤斧傷去
年與子別誠言暫還鄉如何棄我去天路忽騰驤誰謂
有雙目識貌不識腸豈知心內乖著我薜蘿裳尋君向
前事不歎今異翔往往空室中寤寐一作說珪璋十年
居此溪松桂日蒼蒼自從無佳一作人山中不一作輝

光盡棄所留藥亦焚舊草堂還君誓已書歸我學仙方

既為參與辰各願

一作願各

不相望始終名利途慎勿罹咎

殃

求友

鑒形須明

一作初

鏡療疾須良醫若無傍人見形疾安自

知世路薄言行學成棄其師每懷一飯恩不重勸勉詞

數學既不誠朋友道日虧遂作名利交四海爭奔馳常

慕正直人生死不相離苟能成我身甘與

一作為

僮僕隨

我言彼當信彼道我無疑針藥及病源以石投

一作探

深

池終朝舉善道敬愛當行之縱令誤所見亦貴本相規
不求立名聲所貴去瑕疵一作疵各願貽子孫永為後世
資

寄李益少監兼送張實遊幽州

大雅廢已久人倫失其常天若不生君誰復為文網迷
者得道路溺者遇舟航國風人已變山澤增輝光星辰
有其位豈合離帝傍賢人既遐征鳳鳥一作皇安來翔少

小慕高名所念隔山岡集卷新紙封每讀常焚香古來

難一作誰

自達取鑑在

一作有

賢良未為知音故徒恨名不

彰諒無金石堅性命豈能長常恐一世中不上君子堂

偉一作僚

哉清河子少年志堅強篋中有素文千里求發

揚自顧音韻乖無因合宮商幸君達精誠為我求回章

寄崔列中丞

火山無冷地

一作氣

濁流無清源人生在艱世何處避讒

言諸侯鎮九州天子開四門尚有忠義士不得申其冤

嘉木移遠植為我當行軒君子居要途易失主人恩我

愛古人道師君直且溫貪泉誓不飲邪路誓不奔如何
非岡坂故使車輪翻妓妾隨他人家事幸獲一作護存當
時門前客默默空冤煩從今遇明代善惡亦須論莫以
曾見疑直道遂不敦

喻時

去者如弊帷來者如新衣鮮華非久長色落還棄遺詎
知行者天豈悟壯者衰區區未死間回面相是非好聞
苦不樂好視忽生疵乃明萬物情皆逐人心移古今盡

如此達士將何為

贈王侍御

愚者昧邪正貴將平道行君子抱仁義不懼一作天地

傾三受主人辟方出咸陽城遲疑匪自崇將顯求賢名

自來掌軍書無不盡臣誠何必操白刃始致海內平恭

一作事四海人甚於敬公卿有惡如已辱聞善如已榮

或人居飢寒進退陳中情徹晏一作聽苦辛坐臥身不

寧以心應所求盡家猶為輕衣食有親疎但恐踰禮經

我今願求益詎敢為友生幸君揚素風永作來者程

宋氏五女

貝州宋處士若

一作廷

芬五女若華若昭若倫若憲

若茵

一作荀

五女誓終養貞孝內自持兔絲自縈紆不上青松枝晨

昏在親傍閒則讀書詩自得聖人心不因儒者知

一作資

少年絕音華貴絕父母詞素釵垂兩髦短窄

一作穿

古時

衣儀

一作儀

行成聞四方徵詔環珮隨同時入皇宮聯影步

玉墀鄉中尚其風重為脩茅茨聖朝有良史將此為女
師

送于丹移家洛州

憶昔門館前君當童子年今來見成長俱過遠

一作述

所

傳詩禮不外學兄弟相攻研如彼販海翁豈種溪中田

四方尚爾文獨我敬爾賢但愛金玉聲不貴金玉

一作石

堅孤遺一室中寢食不相捐飽如腸胃同疾若膚體連

耕

一作居

者求沃土漚者求深源彼邦君子居一日可徂

得一作遷念此居處近各為衣食牽從今不見面猶勝異

山川既乖歡會期鬱鬱兩難宣素琴苦一作無徽安得

宮商全他皆緩別日我願促行軒送人莫長歌長歌離
恨延羸馬不知去過門常盤旋會當為爾鄰有地容一
泉

留別舍弟

孤賤相長一作育未曾為遠遊誰不重歡愛晨昏闕珍

羞出門念衣單草木當窮秋非疾有憂歎實為人子尤

世情本難合對面隔山丘况復干戈地懦夫何所投與
爾俱長成尚為溝壑憂豈非輕歲月少小不勤修從今
解思量勉力謀善猷但一作伊得成爾身衣食寧我求固
合受此訓墮一作情慢為身羞一作讐歲暮當歸來慎莫懷
遠遊

壞屋

官家有壞屋居者願離得苟或幸其遷一作還回一作因循
任傾側若當君子住一日還脩飾必使換榱一作椽楹先

須木端直永令雀與鼠無處求棲息堅固傳後人從今
勉勞力以茲喻臣下亦可成邦國雖曰愚者詞將來幸
無惑

送薛蔓應舉

四海重貢獻珠賈

一作貝

稱至珍聖朝開禮闈所貴集嘉

賓若生在世間此路出常倫一士登甲科九族光彩新

憧憧車馬徒爭路

一作踏

長安塵萬目視高天

一作天高

昇者

得

一作寧

苦辛况子當少年文

一作文

人在咸秦出門見宮

闕獻賦侍

一作待

朱輪有賢大國豐無子一家貧男兒富

邦家豈為榮其身煌煌文明代俱幸生此辰自顧非國
風難以合聖人子去東堂上我歸南澗濱願君勤作書
與我山中鄰

將歸故山留別杜侍御

一作郎

有川不得涉有路不得行沈沈百憂中一日如一生錯
來干諸侯石田廢春耕虎戟衛重門何因達中誠日月
俱照輝

一作耀

山川異陰晴如何百里間開目不見明我

今歸故山誓與草木并願君去丘坂長使道路平

送韋處士老舅

憶昨癡小年不知有經籍常隨童子遊多向外家

人一作

劇偷花入隣里弄筆書牆壁照水學梳頭應門未穿幘
人前賞文性梨果蒙不惜賦字詠新泉探題得幽石自
從出闕輔三十年作客風雨一飄颻親情多阻隔如何
二千里塵土驅蹇瘠良久陳苦辛從頭歎衰白既來今
又去暫笑還成戚落日動征車春風卷離席雲臺觀西

路華嶽祠

一作峰

前柏會得過帝鄉重尋舊行蹟

送同學故人

各為四方人此地同事師業成有先後不得長相隨出
林多道路緣岡復遠陂念君辛苦行令我形體疲黃葉
墮車前四散當此時亭上夜蕭索山風水離離

幽州送申稷評事歸平盧

行子繞天北山高塞

一作寒

復深升堂展客禮臨水濯纓

襟

一作袷一作塵纓

驅馳戎地馬聚散林間禽一杯瀉東流各

願無異心薊亭雖苦寒
春夕勿重衾從軍任白頭
莫賣故山岑

溫門山

早入溫門山羣峰亂如戟
崩崖欲相觸呀

一作

豁斷行

跡脫屐尋淺流定足畏
歌石路盡十里溪地多千歲柏
洞門晝陰黑深處惟石壁
似見丹砂光亦聞鍾乳滴
靈池出山底沸水衝地脉
暖氣成濕煙濛濛窗中白
隨僧入古寺便是雲外客
月出天氣涼夜鐘山寂寂

代故人新姬侍疾

雙轂不回轍子疾已在旁侍坐長搖扇迎醫漸一作暫下

牀一作近醫新施箱中幔未洗來時妝奉君纏綿意幸

願莫相忘

採桑

鳥鳴一作啼桑葉間綠條復柔柔一作葉綠攀看去手近

放一作散下長長鉤黃花蓋野田白馬少年遊所念豈回

顧一作志良人在高樓

曉思

曉氣生綠水春條露霏霏

一作靡靡

林間棲鳥散遠念征人

起幽花宿舍彩早蝶寒弄翅君行非晨風詎能從門至

首聯一作春條露

霏霏曉氣生綠水

早起

回燈正衣裳

一作冠

出戶星未稀堂前候姑

一作始

起環珮

生晨輝暗池光暮靡密樹花葳蕤九城鐘漏絕遙聽直

郎歸

酬張十八病中寄詩

本性慵遠行綿綿病自生見君綢繆思慰我寂寞情風
幌夜不掩秋燈照雨明彼愁此又憶一夕兩盈盈

御定全唐詩卷二百九十七

欽定四庫全書薈要卷一萬七千七百三

集部

御定全唐詩卷二百九十八

王建

涼州行

涼州四邊沙皓皓

一作浩浩

漢家無人開舊道邊頭州縣盡

胡兵將軍別

一作當

築防秋城萬里人家

一作征人

皆已沒年

年旌節發西京多來中國收婦女一半生男

一作來

為漢

語蕃人舊日不耕犁相學如今種禾黍驅羊亦著錦為

衣為惜氈裘防鬪

一作樹

時養蠶繰繭成疋帛那堪

一作得一

將作繞帳作旌旗城頭山雞鳴角角洛陽家家學

一作教

胡

樂

寒食行

寒食家家出古城老人看屋少年行丘壠年年無舊道

車徒散行

一作車蹤散亂

入衰草牧兒

一作童

驅牛下塚頭

一作邊

畏有家人來灑掃遠人無墳水頭祭還引婦姑望鄉拜

三日無火燒紙錢紙錢

一作哀哀

那得到黃泉但看壠上無

新土此中白骨應無主

促刺詞

一作促
促行

促刺復促刺

一作促促
復刺刺

水中無魚山無石少年雖嫁不

得

一作將

歸頭白猶著父母衣田邊舊宅

一作四
邊田宅

非所作

我有我身不及逐鷄飛出門若有歸死處猛虎當衢

一作

途向前去百年不遺踏君

一作居

門在家誰喚為新婦豈

不見他鄰舍娘嫁來常在舅姑傍

壠

一作隴

頭水

壠水何年壠頭別不在山中亦嗚咽征人塞耳馬不行

未到壠頭聞水聲謂是西流入蒲海還聞北去

一作繞海

龍城壠東壠西多屈曲野廩飲水長簇簇胡兵夜回水

旁住憶著來時磨劍處向前無井復

一作亦

無泉放馬回

看壠頭

一作西樹

北邙行

一作北邙山

北邙山頭少間土

一作坐

盡是洛陽人舊墓舊墓

一作洛陽人

家歸葬多堆著黃金無買處天涯悠悠葬日促岡坂崎

嶮不停轂高張素幙繞銘旌夜唱挽歌山下宿洛陽城

北復

一作西併

城東魂車祖馬長相逢車轍廣若長安路蒿

草少

一作多

於松柏樹澗底盤陀

一作山頭澗底

石

一作古

漸稀盡

向墳前作羊虎誰家石碑文字滅後人重取書年月朝
朝車馬送葬回還起大宅與高臺

溫泉宮行

十月一日天子來青繩御路無塵埃宮前內裏湯各別
每箇白玉芙蓉開朝元閣向山上起城繞青山龍

一作籠

暖水夜開金殿看星河宮女知更月明裏武皇得仙王
母去山雞晝鳴一作啼宮中樹溫泉泱泱出宮流宮使年
年修玉樓禁兵去盡無射獵日西麋鹿登城頭黎園弟
子偷曲譜頭白人間教歌舞

春詞

紅煙滿戶日照梁天絲軟弱

一本缺

蟲飛揚菱花霍霍繞

帷光美人對鏡著衣裳庭中並種相思樹夜夜還棲雙

鳳凰

遼東行

遼東萬里遼水曲古戍無城復無屋黃雲蓋地雪

一本缺此

三作山不惜黃金買一作貴衣服戰回各自收弓箭正西

回面家鄉遠年年郡縣送征人將與遼東作丘坂寧為
草木鄉中生有身不向遼東行

塞上梅

一作曲

天山路傍一株

一作枝

梅年年花發黃雲下昭君已歿漢

使回前後征人惟繫馬日夜風吹滿隴頭還隨隴水東

西流此花若近長安路九衢年少無攀處

戴勝詞

戴勝誰與爾為名木

一作水

中作窠牆上鳴聲聲催我急

種穀人家向田不歸宿紫冠采采

一作深深

褐羽斑銜得蜻

蜓飛過屋可憐白鷺滿綠池不如戴勝知天時

鞦韆

一作秋千

詞

長長絲繩紫復碧嫋嫋橫枝高百尺少年兒女重鞦韆

盤中

一作中

結帶分兩邊身輕裙薄易生力雙手向空如

鳥翼下來立定

一作地

重繫衣復畏斜風高不得傍人送

上那足貴終賭

一作賭

鳴

一作明

璫鬪

一作聞

自

一作鬪身

起回回

若與高樹齊頭上寶釵從墮地眼前爭勝難為休足踏
平地看始愁

開池得古釵

美人開池北堂下拾得寶釵金

一作全

未化鳳凰半在雙

股齊鈿花落處生

一作作

黃泥當時墮地覓不得暗想窗

中還夜啼可知將來對夫壻鏡前學梳古時髻莫言至

死亦不遺還似前人初得時

賽神曲

男抱琵琶女作舞主人再拜聽神語新婦上酒勿

一作莫

辭勤使爾舅姑無所苦椒漿湛湛桂座新一雙長箭繫

紅巾但願牛羊滿家宅十月報賽南山神青天無風水

復一作損碧龍馬上鞍牛服輓紛紛醉舞蹈衣裳把酒路

旁勸行客

田家留客

人家一作客少能留我屋客有新漿馬有粟遠行僮僕應

苦飢新婦厨中炊欲熟不嫌田家破門戶蠶房新泥無

風土行人但飲一作飯莫畏貧明府上來何一作可苦辛丁

寧回語屋一作房中妻有客勿令兒夜啼雙塚一作井直西

有縣路我教丁男送君去

精衛詞

精衛誰教爾填海海邊石子青磊磊但得海水作枯池

海中魚龍一作鼈何所為口穿豈為空銜石山中草木無

全枝朝在樹頭暮海裏飛多羽折時墮水高山未盡海
未平願我身死子還生

老婦歎鏡

嫁時明鏡老猶在黃金鏤畫

一作鏤畫

雙鳳背憶昔咸陽初

買來

一作時

燈前自繡芙蓉帶十年不開一片鐵長向暗

中梳白髮今日後牀重照看生死終當此長別

望夫石

望夫處江悠悠化為石不回頭上

一作山

頭日日風復雨

行人歸來石應語

別鶴曲

主人一去池水絕池鶴散飛不相別青天漫漫碧水一作

海重知向何山風雪中萬里雖然音影在一作隔兩心終

是死生同池邊巢破松樹死樹頭年年鳥生子

烏棲曲

章華宮人一作中夜上樓君王望月西山頭夜深宮殿門

不鎖白露滿山山葉墮

雉將雛

雉伊喔雛出殼毛斑斑嘴啄啄學飛未一作不得一尺高

還逐母行旋母脚麥壟淺淺難一作雖蔽身遠去戀雛低

怕人時時土中鼓兩翅引雛拾蟲不相離

白紵歌二首

天河漫漫北斗璨一作燦宮中烏啼知夜半新縫白紵舞

衣成來遲邀得吳王迎低鬟轉面掩雙袖玉釵浮動秋

風生酒多夜長夜一作天未一作不曉月明燈光兩相照後

庭歌聲

一作舞

更窈窕

館娃宮中春日暮荔枝木瓜花滿樹城頭烏棲休擊鼓
青娥彈瑟白紵舞夜天瞳瞳不見星宮中火照西江明
美人醉起無次第墮釵遺珮滿中庭此時但願可君意
回晝為宵亦不寐年年奉君君莫棄

短歌行

人初生日初出上山遲下山疾百年三萬六千朝夜裏
分將強半日有歌有舞須早為昨日健於今日時人家

見生男女好不知男女催人老短歌行無樂聲

飲馬長城窟

長城窟長城窟邊多馬骨古來此地無井泉賴得秦家

築城卒征人飲馬愁不回長城變作望鄉堆蹄蹤一作跡

未一作不乾人去近續後馬來泥污一作渾盡枕弓睡著待

水生不見陰山在前陣馬蹄足脫裝馬頭一作馬裝頭健兒

戰死誰封侯

烏夜啼

庭樹烏爾何不向別處棲
夜夜半當戶啼
家人把燭出洞戶
一作房驚棲失羣飛
落樹一飛直欲飛上天
回回不離舊棲處
未明仍繞主人屋
欲下空中黑
相觸風飄雨濕亦不移
君家樹頭多好枝

簇蠶辭

蠶欲老箔

一作薄

頭作繭絲皓皓場寬地
高風日多不向

中庭照

一作燃

蒿草神蠶急作莫悠揚
年來

一作老

為爾祭

神桑但得青天不下雨
上無蒼蠅下無鼠
新婦拜簇願

繭稠女灑桃漿男打鼓三日開箔

一作薄

雪團團先將新

繭送縣官已聞鄉里催織作去

一作送

與誰人身上著

渡遼水

渡遼水此去咸陽五千里來時父母知隔生重

一作裏一作裏

著衣裳如送死亦有白骨歸咸陽營家

一作塋冢

各與題本

鄉身在應無回渡

一作渡遼

日駐馬相看遼水傍

空城雀

空城雀何不飛來人家住空城無人種禾黍土間生子

草間長滿地蓬蒿幸無主近村雖有高樹枝雨中無食
長苦飢八月小兒挾弓箭家家畏向一作我田頭飛但能
不出空城裏秋時百草皆有子報言一作黃口黃口莫啾啾
長爾得成無橫死

水運行

西江運船立紅幟萬棹千帆繞江水一作去年去年六月無

稻苗已說水鄉人餓一作飢死縣官部船日算程暴風惡

雨亦不停在生有樂當有苦三年作官一年行壞舟畏

鼠復畏漏恐向太倉折升斛辛勤耕種非毒藥看著不
入農夫口用盡百金不為費但得一金即為利遠徵海
稻供邊食豈如多種邊頭地

當窗織

歎息復歎息園中有棗行人食貧家女為富家

一作大當窗

織翁母隔牆不得力水寒手澁絲脆斷續來續去心腸

爛

一作急

草蟲促促

一作織

機下啼

一作鳴

兩日催成一疋半

輸官上頂頭

一作頭

有零落姑未得衣身不著當窗却羨青

樓倡十指不動衣盈箱

失釵怨

一作
歎

貧女銅釵惜於

一作
如

玉失却來尋

一本
缺

一

三

一作

日哭嫁

時女伴與

一作
為

作妝頭戴此釵如鳳凰雙杯行酒六親

喜我家新婦宜拜堂鏡中乍無失髻

一作
髻無

樣初起猶疑

在一作
墮

牀上高樓翠鈿飄舞塵明日從頭一遍新

春燕詞

新燕新燕

一作春
燕春燕

何不定東家綠池西家井飛鳴當戶

影悠揚一遶簷頭一遶梁黃姑說向新婦女一作去去年

墮子汗衣箱已能辭山復過海幸我堂前故巢一作在求食

慎勿愛高飛空中飢鳶為爾害辛勤作窠一作巢在畫梁

一本缺此三字願得年年主人富

主人故池

高一作曲一作西池高閣上一作相連起荷葉團團蓋秋水主人

已遠涼風生舊客不來芙蓉死

古宮怨

乳一作亂

烏啞啞飛復啼城一作宮

頭晨夕宮中棲吳王別

殿繞江水後宮不開美人死

關山月

關山月營開道白前軍發凍輪當磧光悠悠照見三堆

兩堆骨邊風割面天欲明金沙嶺西頭一作頭看看沒

贈離曲

合歡葉墮梧桐秋鴛鴦背飛水分流少年使我忽相棄
雌號雄鳴夜悠悠夜長月沒蟲切切冷風入房燈焰滅

若知中

一作去

路各西東彼此不忘

一作結

同心結收取頭

邊蛟龍枕留著箱中雙雉裳我今焚却舊房物免使他

人登爾牀

宛轉詞

一作古謠

宛宛轉轉勝上紗紅紅綠綠苑中花紛紛泊泊夜飛鷗
寂寂寞寞離人家

水夫謠

苦哉生長當驛邊官家使我牽驛船辛苦日多樂日少

水宿沙行如海鳥逆風上水萬斛重前驛迢迢後

波一作

淼淼半夜緣堤雪和雨受他驅遣還復去衣

一作夜

寒衣濕

披短蓑

一作莎

臆穿足裂忍痛何到明辛苦無

一作何

處說

齊聲騰踏牽船出

一作歌

一間茅屋何所直父母之鄉

一作

邦去不得我願此水作平田長使水夫不怨天

田家行

男聲欣欣女顏悅人家不怨言語別五月雖熱麥風清
簷頭索索綠車鳴野蠶作繭人不取葉間撲撲秋蛾生

麥收上場絹在軸的知輸得官家足不望

願一作

入口復

上身且免向城賣黃犢回

田一作

家衣食無厚薄不見縣

門身即樂

去婦

新婦去年胼

胼一作

手足衣不暇縫蠶廢簇白頭使我憂

家事還如夜裏燒殘燭當初為取

信一作

傍人語豈道如

今自辛若在時縱嫌織絹遲有絲不上鄰家

人一作
機

神樹詞

我家家西老棠樹須晴即晴雨即雨四時八節上杯盤
願神莫一作離神處所男不着丁女在舍官事上下無
言語老身長健樹婆娑萬歲千年作神主

祝鵲

神鵲神鵲好言語行人早回多利賂我今庭中栽好樹
與汝作巢當報汝

古謠

一作雜詠

一東一西隴

一作隴

頭水一聚一散天邊霞一來一去道

上客一顛一倒池中一作上麻

公無渡河

渡頭惡天一作風兩岸遠波濤塞川如壘坂幸無白刃驅

向前何用將身自棄捐蛟龍噬骨一作屍魚食血一作肉黃

泥直下無青天男兒縱輕婦人語惜君性命還須取婦

人無力挽斷一作短衣舟沈身死悔難追公無渡河公須

一本無須字自為

海人謠

海人無家海裏住採珠役

一作殺

象為歲賦惡波橫天山

塞路未央宮中常滿庫

行見月

月初生居人見月一月行行

一作月

行一年十二月強半

馬上看盈

一作圖

缺百年歡樂能幾何在家見少行見多

不緣衣食相驅遣此身誰願長奔波篋中有帛倉有粟

豈向天涯走碌碌家人中

一作中

見月望我歸正是道上思

家時

七夕曲

河邊獨自看

對一作

星宿夜織天絲

孫一作

難接續拋梭振

鐳

躡一作

動明

鳴一作

璫為有秋期眠

恨一作

不足遙愁

想一作

今夜河水隔龍駕車轅鵲填石流蘇翠帳呈渚間環珮

無聲燈寂寂兩情纏綿忽如故復畏秋風生曉路

露一作

幸回郎意且

住一作

斯須一年中別今始初明星未出

一作

明

少停車

兩頭織織

兩頭纖纖青玉玦半白半黑頭上髮
偈偈仆仆一作膈膈

春冰裂磊磊落落桃花一作結

獨漉歌

獨獨漉漉

一作獨漉獨漉

鼠食猫肉烏日中鶴

一作雀

露宿黃河

水直人心曲

寄遠曲

美人別來無處所巫山月明湘江雨
千回相一作想見不

分明井底看星夢中語
兩心相對尚難知
何況萬里不

相疑

一本無後二句

傷韋令孔雀詞

可憐孔雀初得時美人為爾別開池池邊鳳凰作伴侶

羌聲鸚鵡無言語

一作尋花飛

雕籠玉架嫌不棲夜夜思歸

向南舞

一作南海枝

如今憔悴人見惡萬里更求新孔雀熱

眠雨水飢拾

一作食

蟲翠尾盤泥金彩

一作粉

落多時人養

不解飛海山風黑何處歸

傷鄰家鸚鵡詞

東家小女不惜錢買得鸚鵡獨自憐自從死却家中女

無人更

一作復

共鸚鵡語十日不飲

一作食

一滴漿淚漬綠

毛頭似鼠舌闕啞咽畜哀怨開籠放飛離人眼短聲亦
絕翠臆翻新墓崔嵬舊巢遠此禽有志女有靈定為連
理相並生

春來曲

春欲來每日望春門早開黃衫白馬帶塵土逢著探春
人却回御堤內園曉過急九衢大宅家家入青帝

一作看春

少女染桃花露妝初出紅猶濕光風暼暼蝶宛宛遠一作

庭樹氣匝枝

一作花

柯軟可憐寒食街中郎早起著得單

衣裳少年即見

一作是

春好處似我白頭無好樹

春去曲

春已去花亦不知春去處綠岡繞澗却歸來百回

一作一日

看著無花樹就中一夜東風惡收紅拾紫無遺落老夫
不比少年兒不中數與春別離

東征行

桐栢水西賊星落梟雛夜飛林木惡相國刻日波濤清
當朝自請東南征舍人為賓侍郎副曉覺蓬萊欠珮聲
玉階舞蹈謝旌節生死向前山可穴同時賜馬并賜衣
御樓看帶弓刀發馬前猛士三百人金書左右紅旗新
司庖常一作掌膳皆得對好事將軍封爾身男兒生殺在
手裏營門老將皆憂死瞳瞳白日當南山不立功名終
不還

荆門行

江邊行人暮悠悠山頭殊未見荊州峴亭西南路多曲

櫟林深深石鏃鏃

一作
簇簇

看炊紅米煮白魚夜向雞鳴店

家宿南中三月蚊蚋生黃昏不聞人語聲生紗帷疎薄

如霧隔衣噤

作答
切

膚耳邊鳴欲明不待燈火起喚得官

船過蠻水女兒停客茅屋新開門掃地桐花裏犬聲撲

撲寒溪煙人家燒竹種山田巴雲欲雨薰石熱麋鹿度

一作過
一作飲

江蟲出穴大蛇過處一山腥野牛驚跳雙角折

斜分漢水橫千

一作
湘

山山青水綠荆門關向前問箇長

沙路舊是屈原沈溺處誰家丹旆已南來逢著流人從

此一作北去月明山鳥多不棲下枝飛上高枝啼主人念

遠心不憚羅衫臥對一作對舞章臺一作對夕紅燭交橫各

自歸酒醒還是他鄉客壯年留滯尚思家况復一作是白

頭在天涯

鏡聽詞

重重摩挲嫁時鏡夫婿遠行憑鏡聽回身不遣別人知
人意丁寧鏡神聖懷中收拾雙錦帶恐畏街頭見驚怪

嗟嗟嗒嗒

音切

下堂階獨自竈前來跪拜出門願不聞悲

哀郎

一作身

在任郎回未

一作不

回月明地上人過盡好語

多同皆道來卷帷上牀喜不定與郎裁衣失翻正可中

三日得相見重繡錦

一作鏡

囊磨鏡面

行宮詞

上陽宮到蓬萊殿行宮巖巖遙相見向前天子行幸多

馬蹄車轍山川遍當

一作常

時州縣每年修皆留內人看

玉案禁兵奪得明堂後長閉

一作間

桃源與綺繡

一作由

開

元歌舞古

一作百

草頭梁州樂人世嫌舊官家乏人作宮

戶不泥宮牆斫宮樹兩邊仗屋半崩摧夜火入林燒殿
柱休封中岳六十年行宮不見人眼穿

羽林行

長安惡少出名字樓下劫商樓上醉天明下直明光宮
散入五陵松柏中百回殺人身合死赦書尚有收城功
九衢一日消息定鄉吏籍中重改姓出來依舊屬羽林
立在殿前射飛禽

射虎行

自去射虎得虎歸官差射虎得虎遲獨行以死當虎命

兩人因

一作相

疑終不定朝朝暮暮空手回山下綠苗成

道徑遠立不敢

一作教

汚箭鏃聞死還來分虎肉惜留猛

虎着

一作看

深山射殺恐畏終身閒

遠將歸

遠將歸勝未別離時在家相見熟新歸

一作婦

歡不足去

願車輪遲回思馬蹄速但令在舍

一作家

相對貧不向

一作

願
天涯金遶身

尋橦歌

人間百戲皆可學，尋橦不比諸餘樂。
重梳短髻下金鈿，紅帽青巾各一邊。
身輕足捷勝男子，繞竿四面爭先緣。
習多倚附欹一作欺竿，滑上下踰躄。
皆著襪，翻身垂頸欲

落地，却住把腰橦。一作橦初似歇，大竿百夫擎不起。
裏裏半

在青雲一作天裏，纖腰女兒不動容。
戴行直舞一曲終，回

頭但覺人眼見，矜難恐畏天無風。
險中更險何曾一作無蹉

失山鼠懸頭猿挂膝小垂一手當舞盤斜慘雙蛾看落

日斯須改變

一作遍

曲解新貴欲

一作舞

歡他平地人散時

滿面

一作自覺一作地

生顏色行步依前無氣力

銅雀臺

嬌愛更何日高臺空數層含啼暎雙袖不忍看西陵漳
水東流無復來百花輦路為蒼苔青樓月夜長寂寞碧
雲日暮空裴回君不見鄴中萬事非昔時古人不在今
人悲春風不逐君王去草色年年舊宮路宮中歌舞已

浮雲空指行人往來處

雞鳴曲

雞初鳴明星照東屋雞再鳴紅霞生海腹百官待漏雙
闕前聖人亦挂山龍服寶釵命婦燈下起環珮玲瓏曉
光裏直內初燒玉案香司更尚一作常滴銅壺水金吾衛

裏直

一作更

郎妻到明不睡聽晨雞天頭日月相送迎夜

棲旦鳴人不迷

送衣曲

去秋送衣渡黃河今秋送衣上隴

一作龍

坂婦人不知道

徑處但問

一作聞

新移軍近遠半年著道經雨濕開籠見

風衣領急舊來十月初點衣與郎著向營中集絮時厚
厚綿纂纂貴欲征人身上暖願身莫著裹屍歸願妾不
死長送衣

斜路行

世間娶容非

一作不

娶婦中庭牡丹勝松樹九衢大道人

不行走馬奔車逐斜路斜路行熟直路荒東西豈是

一作

不橫太行南樓彈弦北戶舞行人到此多回

一作
彷徨

徂頭

白如絲面如繭亦學少年行不返縱令自解思故鄉輪
折蹄穿白日晚誰將古曲換斜音回取行人斜路心

織錦曲

大一作女身為織錦戶名在縣家供進簿長頭起樣呈

作官聞道官家中苦難回花側葉與人別唯恐

一作
愁

秋

天絲線乾紅縷歲蕤紫茸軟蝶飛參差花宛轉一梭聲
盡重一梭玉腕不停羅袖卷窗中夜久睡髻偏橫釵欲

墮垂著肩合衣臥時參沒後停燈起在雞鳴前一匹千

金亦不賣限日未成宮

一作官

裏怪錦江水涸貢轉多宮

中盡著單絲羅莫言山積無盡日百尺高樓一曲歌

擣衣曲

一作送衣曲

月明中庭擣衣石掩帷下堂來擣帛婦姑相對神

一作初

力生雙揜白腕調杵聲高樓敲玉節會成家家不睡皆

起聽秋天丁丁復凍凍玉釵低昂衣帶動夜深月落冷

如刀濕著一雙纖手痛回編易裂看生熟鴛鴦紋成水

波曲重燒熨斗帖兩頭與郎裁作迎寒裘

秋夜曲二首

天清漏長霜泊泊蘭綠收榮桂膏涸高樓雲鬟弄嬋娟
古瑟暗斷秋風弦玉關遙隔萬里道金刀不剪雙淚泉
香囊火死香氣少向帷合眼何時曉一作向誰眠城烏

作營啼野月秦州一作川少婦生離別

秋燈向壁掩洞房良人此夜直明光天河悠悠漏水長

南樓

一作南斗

北斗兩相當

題台州

一作天台

隱靜寺

隱靜靈仙

一作山

寺天鑿杯度飛來建巖壑五峯直上插

銀河一澗當空瀉寥廓崆峒黯淡碧琉璃

一作琉璃殿

白雲

吞吐紅蓮閣不知勢壓天幾重鐘聲常聞

一作在


月中落

御定全唐詩卷二百九十八

謹案卷二百九十八第六頁後八行上頭日日風

復雨按別本復作和





總校官庶吉士臣張能照

校對官中書臣張塤

騰錄貢生臣張映杓

騰錄監生臣周嘉猷

欽定四庫全書薈要

集部

御定全唐詩卷

二百九十九至
三百一

詳校官候補通政司經歷臣郭祚織



欽定四庫全書薈要卷一萬七千七百四

集部

御定全唐詩卷二百九十九

王建

送人遊塞

初晴天墮絲晚色上春枝城下路分處邊頭人去時停車數行日勸酒問回期亦是茫茫客還從此別離

塞上逢故人

百戰一身在相逢白髮生何時得鄉信每日算歸程走

馬登寒壠驅羊入廢城
羌笳三兩曲人醉海西營

南中

天南多鳥聲州縣半無城
野市依蠻姓山邨逐水名
瘴煙沙上起陰火雨中生
獨有求珠客年年入海行

汴路水驛

晚泊水邊驛柳塘初起風
蛙鳴蒲葉下魚入稻花中去
舍已云遠問程猶向東
近來多怨別不與少年同

淮南使迴留別竇侍御

戀戀春恨結綿綿
淮草深病身愁
至夜遠道畏逢陰
忽逐酒盃會暫同
風景心從今一分散
還是曉枝禽

汴路卽事

千里河一作何煙直青槐夾岸長
天涯同此路人語各殊

方草市迎江貨津橋稅海商
迴看故宮柳憔悴不成行

山居

屋在瀑泉西茅簷一作房
一作屋下有溪閉門留野鹿
分食養

一作與山雞桂熟長收子
蘭生不作畦初開洞中路
深處

轉松梯

醉後憶山中故人

一作故人山中

花開草復秋雲水自悠悠因醉暫無事在山

一作生

難免

愁遇晴須看月鬪

一作聞

健且登樓暗想山中伴如今盡

白頭

送流人

見說長沙去

一作路

無親亦共愁陰雲鬼門夜寒雨瘴江

秋水國山魈引蠻鄉洞主留漸看歸處遠

一作阻

垂白住

炎州

貧居

眼底貧家計多時總莫嫌
蠹生騰藥紙一作字暗一作

換書籤避雨拾一作

濕

黃葉

一作避濕
堆黃葉

遮風下黑簾近來

身不健時就六壬占

過趙居士擬置草堂處所

休師竹林北空可兩三間
雖愛獨居好終來相伴閒
猶

嫌近前樹為礙

一作愛

看南山的有深耕處
春初須早還

新開望山處

新開望山處今朝減病眠應移千里道猶一作獨自數峰

偏故欲遮春巷還來遶暮天老夫行步弱免到寺門前

題東華觀

路盡煙水一作光外院門題上清鶴籬靈一作虛解語瓊葉

軟無聲白髮道心熟黃衣仙骨輕寂寥虛境裏一作歸對憂

樂何處覓長生

飯僧

別屋炊香飯薰辛不入家温

一作
濾

泉調菖麵

一作
粉

淨手

摘藤花蒲鮓除青葉片蘆帶紫芽願師常伴食消氣有
薑茶

照鏡

忽自見憔悴壯年人亦疑髮緣多病落力為不行衰暖
手揉雙目看圖引四肢老來真愛道所恨覺還遲

歸昭應留別城中

喜得近京城官卑意亦榮竝牀歡未定離室思還生計

拙偷閒住經過買日行如無自來分一驛是遥程

答寄芙蓉冠子

一學芙蓉葉初開映水幽雖經小一作巧兒手不稱老夫

頭枕上眠常一作初戴風前醉恐柔明年有閨閣此樣必

難求

長安春遊

騎馬傍閒坊新一作春衣著雨香桃花紅粉醉柳樹一作絮

白雲狂不覺愁春去何曾得日長牡丹相次發城裏又

須忙

冬夜感懷

晚年恩愛少耳目靜於僧竟

一作

夜不聞語空房唯有

燈氣噓寒被濕霜入破牕

一作冷階月照
一作月照冷階

凝斷得人間

事長如此亦能

初到昭應呈同僚

白髮初為吏有慙年少郎自知身上拙不稱世間忙

一作

強
秋雨縣牆綠暮山宮

一作官

樹黃同官若容許長借老

僧房

縣丞廳即事

宮殿半山上人家高下居古廳眠受魔老吏語多虛雨
水洗荒竹溪沙填廢渠聖朝收外府皆自九天除

閒居即事

老病貪光景尋常不下簾妻愁耽酒僻人怪考詩嚴小
婢偷紅紙嬌兒弄白髯有時看舊卷未免意中嫌

林居

荒林四面通門在野田中頑僕長如客

友一作

貧居未勝

蓬舊綿衣不暖新草屋多風唯去山南近閑親販藥翁

原上新居十三首

新占原頭地本無山可歸荒藤生葉晚老杏著花稀厨

舍近

一作新

泥竈家人初飽薇弟兄今四散何日更相依

一家榆柳新四面遠無鄰人少愁聞病莊孤幸得貧

一作

鄰耕牛長願飽樵僕每憐勤終日憂衣食何由得此身

長安無舊識百里是天

一作生

涯寂寞思逢客

一作友

荒涼

喜見花訪僧求賤藥將

一作

馬中

一作

豪家乍

一作

得

新蔬菜朝盤忽覺奢

雞鳴村舍遙花發亦蕭條野竹初生笋溪田未得苗家

貧僮僕瘦春冷菜蔬焦甘分長如此無名在聖朝

春來梨棗盡啼哭小兒飢鄰富雞常

一作

去莊貧客漸

稀借牛耕地晚賣樹

一作

納錢遲牆下當官路依山補

竹籬

自掃一間房唯鋪獨臥牀野羹溪菜滑山紙水苔香陳

藥初和白

一作
蜜

新經未入黃近來心力少休讀養生方

擬作讀經人空房置淨巾鎖茶藤篋密曝藥竹牀新老
病應隨業因緣不離身焚香向居士無計出諸塵

移家近住邨貧苦自安存細問梨果植遠求花藥根倩
人開廢井趨犢入新園長愛當山立黃昏不閉門

和暖遶林行新貧足喜聲埽渠憂竹旱澆

一作
洗

地引蘭

生山客憑栽

一作
移

樹家僮使入城門前粉壁上書著縣

官名

住處鐘鼓外免爭當路橋身閒時却因兒病可一作來

嬌雞睡日陽暖蜂

蝶一作

狂一作忙

花艷燒長安足門戶疊

疊看登朝

近來年紀到世事總無心古碣憑人搨閒詩任客吟送
經還野苑移石入幽林谷口春風惡梨花蓋地深

嬾更學諸餘林中埽地居膩衣穿不洗白髮短慵梳苦

相常多淚勞生

心一作

自悟虛

少一作娛

閒行人事絕親故亦

無書

住處去山近，傍園麋鹿行。
野桑穿井長，荒竹過牆生。
新識鄰里面，未諳邨社情。
石田無力及，賤賃與人耕。

送李評事使蜀

勸酒不依巡，明朝萬里人。
轉江雲棧細，近驛板橋

一作柳條

新石冷啼猿，影松昏戲鹿。
塵少年為客，好况是益州春。

新修道居

世間無所入，學道處新成。
兩面有山色，六時聞磬聲。

加經遍數老愛字分明若得離煩惱焚香過一生

贈洪誓

一作師

老僧真古畫閒坐語中聽識病方書聖語山草木靈人
來多一作還施藥願滿不持經相伴尋溪竹秋苔襪履青

題法雲禪院僧

不剃頭多日禪來白髮長合邨迎往寺同學乞修房覺
少持經力憂無養病糧上山猶得在自解衲衣裳

贈溪翁

溪田借四鄰不省解憂身看日和仙藥書符救病人伴
僧齋過夏中酒臥經旬應得丹砂一作霜力春來黑髮新

謝李續

一作續

主簿

館舍幸相近因風及病身一官雖隔水四韻一作五字是同

人衰臥朦朧曉貧居冷落春少年無不好莫恨滿頭塵

寒食

一作張籍詩

田舍清明日家家出火遲白衫眠古巷紅索搭高枝紗
帶生難結銅釵重欲垂斬新衣踏一作著盡還似去年時

貽小尼師

新剃青頭髮生來未掃

一作畫

眉身輕禮拜穩心慢記經

遲喚起猶侵曉催齋已過時春晴塔下立私地弄花枝

惜歡

當歡須且歡過後買應難歲去停燈守花開把火

一作燭

看狂來欺酒淺愁盡覺天寬次第頭皆白齊年人已

一作

幾
個殘

山中惜花

忽一作愁看花漸稀罪缺一本過酒醒時一作遲尋覓風來處

驚張夜落時遊絲纏一作紫故藥宿夜守空枝開取當軒

溪一作地年年樹底期

和武門下傷韋令孔雀

孤號秋閣陰韋令在時禽覓伴海山黑思鄉橘柚深舉
頭聞舊曲顧尾惜殘金顛顛不飛去重君池上心

題所賃宅牡丹花

賃宅得花饒初開恐是妖粉一作霞光深紫膩肉色退一作

遠紅嬌且願風留著惟愁日炙焦
一作銷可憐零落藥收
取作香燒

隱者居

山人住處高看日上蟠桃雪縷青山脈雲生白鶴毛朱
書護身咒水喫斷邪刀何物中
一作堪長食胡麻慢火熬

昭應官舍

繞廳春草合知道縣家閒行見雨遮院臥看人上山避
風新浴後請假未醒間朝客輕卑吏從他不往還

送嚴大夫赴桂州

嶺頭分界候

一作
堠

一半屬湘潭水驛門旗出山巒洞主

叅辟邪犀角重解酒荔枝甘莫歎京華遠安南更有南

望行人

自從江樹秋日望江樓夢見離珠浦書來在桂州不

一作
願

同魚比目

一作比
目魚

終恨水分流久不開明鏡多應

是白頭

塞上

漫漫復淒淒
黃沙暮漸迷
人當故鄉立
馬過舊營嘶
斷雁逢冰磧
回軍占雪溪
夜來山下哭
應是送降奚

杜中丞書院新移小竹

此地本無竹
遠從山寺移
經年求養法
隔日記澆時
嫩綠卷新葉
殘黃收故枝
色經寒不動
聲與靜相宜
愛護出常數
稀稠看自知
貧來緣一作原未有客
散獨行遲

同于汝錫賞白牡丹

曉日花初吐
春寒白未凝
月光裁一作裁不得
蘇合點難

勝柔膩於一作露

一作

雲葉新鮮掩鶴膺
統心黃倒暈側莖

一作

面紫重稜乍斂
看如睡初開
問欲鷹並香幽蕙
死比艷美人憎
價數千金貴
形相兩眼疼
自知顏色好
愁被彩光凌

送吳

一作李

郎中赴忠州

西臺復南省
清白上天知
家每因窮

一作貧

散官多為直

移遙

一作巡

邊

一作遙

裝一作搖

鞭過驛近買藥出城遲
朝野

一作達

憑人

一作達
一作朝
一作留
一作詩

別親情伴酒悲
故園愁去後
白髮想迴時

何處忠州界山頭卓

丘一作

望旗

照鏡

終日自纏繞此身無適緣萬愁生旅夜百病湊衰年少

睡憎明屋慵行待暖

晚一作

天癢頭梳有蝨風耳灸聞蟬

搖

一作換

白方多錯迴金法不全家貧

悲一作

何所戀時在

老僧邊

秋日送杜虔州

憶

一作記

得宿新宅別來餘蕙香初聞守郡遠

遠一作郡

一日

卧空牀野

井一作

驛煙火濕路人消息狂山樓添鼓角村

柵立旗槍晚渚露荷敗早衙風桂涼謝家章句出江月
少輝光

送鄭權尚書南海

七郡雙旌貴人皆不憶迴戍頭龍腦鋪關口象牙堆勅
設薰鑪出蠻辭兕節開市喧山賊破金賤海船來白氎
家家織紅蕉處處栽已將身報國莫起望鄉臺

題別遺愛草堂兼呈李十使君

李十亦嘗隱廬山白鹿洞

曾住鑪峰下書堂對藥臺
斬新蘿徑合依舊竹牕開
砌水親看決池荷手自栽
五年方斲至一宿又須回
縱未長歸得猶勝不到來
君家白鹿洞聞道亦生苔

賞牡丹

此花名價別開艷益皇都香遍苓菱

一作菱

死紅燒躑躅

枯軟光籠細脈妖色暖鮮
膚滿蘂攢黃粉含稜縷絳
蘇好和薰御服堪畫入宮
圖晚態愁新婦殘粧望病
夫教人知箇數留客賞斯
須一夜輕風起千金買亦
無

御定全唐詩卷二百九十九